

di glilig<sup>22</sup>) Stimm kio, wo-n-ar voar am Johr  
 all uf om To(t)-Bett Schröa glo heat ganz lutt  
 und brächt<sup>23</sup>) heat: „D' Schlango, luo, do Taifol kutt!“  
 Druf heat di Schlango 's Mul ufgspeirt sa witt,  
 i-o gmuont, ih seach i d' Held<sup>24</sup>) — und Zäh und Hütt<sup>25</sup>) . . .  
 gweöß Hannos!“ „Hai, Kneacht, du fiondst jo bloß do Schnuf  
 voar Reda, hock zerst vo<sup>26</sup>)!“ seit Hannos druf,  
 ih go glai mit is Ruda-n-omme, gweöß,  
 eotz hock z'erst ache, Kneacht, und trink und eoß!  
 Do ist a Bacho Speack<sup>27</sup>) und Käs a Stuck.“  
 „Nei, Hannos, nei, ih eoß und trink kon Schluck,  
 hai, Hannos, kommod doch is Ruda huo!“  
 „Jo, Kneacht, ih komm jo eotz, ih schlüf i d' Schuoh!“

A Gamsbock, a starka-n-ist all ommanand  
 bi Hannosso Hütto, dött heat ar sin Stand,  
 a-n-Uosiglar<sup>28</sup>) ist as wi Hannos dear,  
 ist nio me bim Rudol, aluo ist ear,  
 voar Hannosso flüchtiit do Bock nid z' witt,  
 voar Rudoburs Kneacht zur reachto Zitt. —  
 Wi Hannos denn ko ist a Stuck undor Knopf  
 zur Richtstatt<sup>29</sup>), hearwearts kutt as wi a Zopf,  
 a Zilat<sup>30</sup>), a lange, vil Roß und vil Ma.  
 Di frisch-bschlagno Roß, si händ Gschealltor a<sup>31</sup>) —  
 und muotige Roß und Häso<sup>32</sup>) voll Holz,  
 das ist jo füor d' Hölzlar dear allargröst Stolz.  
 Was siocht ma? Bloß Lah-Bömm<sup>33</sup>) und Beossa<sup>34</sup>)-n-und  
 Strick,  
 und Back-Brüoh<sup>35</sup>) in Loasa<sup>36</sup>) und Rößlar<sup>37</sup>) und Schick<sup>38</sup>).  
 Was hört ma? Voar Grölltor<sup>39</sup>) und Gschealltor kon Tutt<sup>40</sup>),  
 as klingla und höüzo<sup>41</sup>) und brächto gad lutt.  
 Grad bi-n-or Richtstatt macht halt dear lang Zug,  
 dött ladt ma dorzuo, as goht wi im Flug,  
 und Schuozars Peppe all zerst und z' voadorst dra  
 ist Moastor bin Hölzlarn<sup>42</sup>) und frümmt a Sach a<sup>43</sup>).  
 Eotz schlöorggat<sup>44</sup>) gad Schanaro Hannos dahear,  
 und Rudoburs Kneacht heat's ilig<sup>45</sup>) dear.  
 Bim Leagnar<sup>46</sup>), bim grösto, blibt Hannos glai stoh,